

## UTDANNINGSFORBUNDET Øygarden

### - Retningslinjer for arbeidet -

#### 1. Utdanningsforbundet Øygarden skal vera ei sterk og solidarisk fagforeining

Lokallaget består av medlemmar frå ulike medlemsgrupper:

Barnehage, grunnskule, vidaregåande skule, fagleg administrativt støttesystem, leiarar i skule og barnehage, vaksenopplæring og pensjonistråd.

##### 1.1. ORGANISASJONSBYGGING

*Lokallaget skal:*

*arbeida med å byggja ein sterk organisasjon som skal fungera godt til beste for alle medlemmane, og støtte opp under og påverka medlemmane sitt fagforeiningsmedvit.*

*arbeida for at det er klubb og tillitsvalde på alle arbeidsplassar med grunnlag for det*

*sikra at alle vert ivaretekne gjennom gode kommunikasjonskanalar til tillitsvalde og andre medlemmar.*

*samarbeida med andre lokallag, m.a. gjennom nettverkssamarbeidet i Midhordland.*

##### 1.2. OPPFØLGING AV MEDLEMSGRUPPER

*Lokallaget skal:*

*arbeida for å følgja opp dei ulike medlemsgruppene og få til ei organisering som er tenleg for dei einskilde gruppene både i privat og offentleg sektor.*

*arbeida for at det vert oppretta eit leiarråd for barnehagar og eit pensjonistråd og at det vert oppretta kontakt med Sfo-leiarane og medlemmar utan tillitsvald.*

##### 1.3. MEDLEMSENGASJEMENT / REKRUTTERING

*Lokallaget skal:*

*arbeida for å verva medlemmar og styrke engasjementet blant medlemmane.*

*informera og inspirera til arbeid i klubb og lokallag og rekruttere tillitsvalde på alle arbeidsplassane der me har medlemmar.*

*skipas til medlemsmøte med aktuelle tema både for heile medlemsmassen og for einskilde medlemsgrupper.*

##### 1.4. SKULERING / KONTAKT MED TILLITSVALDE PÅ KLUBB-NIVÅ

*Lokallaget skal arbeida for:*

*at kontakten mellom laget og dei tillitsvalde på arbeidsplassane vert ivareteken på ein god måte.*

*tenlege møteplassar og nettverk for dei ulike gruppene av tillitsvalde.*

*å ha engasjerte og godt skulerte tillitsvalde, m.a. ved lokal kursing og oppfølging i møte for tillitsvalde.*

#### **1.5. MEDRÅDERETT**

*Lokallaget skal i samarbeid med dei tillitsvalde medverka til at lov- og avtaleverk vert følgt og medråderetten vert sikra i faste drøftingsmøte mellom partane på alle nivå.*

*Lokallaget skal arbeida for eit godt samarbeid mellom arbeidsgjevar og tillitsvalde tufta på gjensidig tillit og respekt*

#### **1.6. PROFESJONSETIKK**

*Lokallaget skal arbeida for at «Lærerprofesjonen si etiske plattform» skal verta kjend og i bruk i det daglege arbeidet til medlemmane våre.*

*Kvalitet i utdanningssystemet er avhengig av trygge, profesjonelle, etisk medvitne og fagleg kompetente yrkesutøvarar.*

*Lokallaget skal medverke til felles forståing av kva yrkesrollene inneber, tydeleggjere det etiske ansvaret som er nedfelt i Lærerprofesjonen si etiske plattform, og vi skal støtte medlemmane og hjelpe dei til å handtere dei utfordringane dei møter i yrka.*

### **2. Utdanningsforbundet Øygarden skal arbeida for gode løns- og arbeidsvilkår og gode arbeidstilhøve**

#### **2.1. TARIFF OG FORHANDLINGAR**

*Lokallaget skal arbeida for:*

*at alle medlemmar har tariffavtale.*

*at formell kompetanse skal gje utteljing*

*å sikra alle medlemmane lønsutvikling over tid, og for ei lønsmessig utjamning mellom ulike medlemsgrupper med samanliknbare oppgåver og ansvarsområde*

*Lokallaget er i prinsippet mot lokale forhandlingar, men lokallaget skal ha ein lønspolitikk basert på kollektive sentrale avtalar, og prioriteringar i lokale forhandlingar skal vera etter kjende objektive kriterium*

## **2.2. ARBEIDSTID**

*Lokallaget skal arbeida for at:*

*gjeldande arbeidstidsavtalar vert følgd opp i praksis og at dei individuelle arbeidsplanane vert tufta på prinsipp etter drøftingar på den einskilde arbeidsplassen.*

*det er eit samsvar mellom medlemmane, inkludert leiarmedlemmane, sine tidsressursar og det ansvar og dei arbeidsoppgåver dei er tillagt.*

## **2.3. RESSURSAR**

*Lokallaget skal arbeida for gode ordningar for ressurs til tillitsvalde både på arbeidsplassnivå og i lokallaget.*

## **2.4. ARBEIDSMILJØ**

*Lokallaget skal arbeida for:*

*eit godt fysisk og psykososialt arbeidsmiljø både kommunalt og på den einskilde arbeidsplassen.*

*at eksisterande system for varsling og avvik er kjende og i bruk på arbeidsplassane når det er trong for det.*

*Lokallaget skal gje arbeidsplassstillitsvalde og verneombod råd i arbeidsmiljøspørsmål slik at dei kan vera positive medspelarar på arbeidsplassen.*

## **2.5. EIT INKLUDERANDE ARBEIDSLIV**

*Lokallaget skal arbeide for:*

*ein god livsfaseorientert arbeidsgjevarpolitikk og medverka til at arbeidsmiljølova §1-1 vert følgd.*

*at intensjonane i IA-avtalen vert følgd, og at kommunen sin politikk på området vert kjent på arbeidsplassane.*

## **2.6. KOMPETANSE**

*Lokallaget skal arbeida for at:*

*arbeidsgjevar legg til rette for kompetanseutvikling både når det gjeld fag, utviklingsarbeid, metodikk og leiing.*

*vikarar i skule og barnehage skal vera fagutdanna.*

# **3. Utdanningsforbundet Øygarden skal engasjera seg i samfunns- og utdanningspolitikk**

## **3.1. BARNEHAGE- OG SKULEPOLITIKK**

*Lokallaget skal:*

*engasjera seg i utviklingsarbeid og endring i planar i barnehage og skule og ha merksemd på innhaldet i opplæringsløpet.*

*engasjera seg i utdanningspolitikk sentralt og lokalt og tala på vegne av medlemmane..*

*arbeida for at endringar som skjer i barnehagen, skulen eller i organisasjonsstrukturen i kommune eller fylke skal føra til betre arbeidstilhøve for medlemmane.*

*arbeida for at ingen medlemmar vert pådrivarar for undervisningsopplegg som bryt med gratisprinsippet*

*Barnehage og skule er eit offentleg ansvar. Lokallaget skal arbeida for at skule- og barnehageeigar tek ansvar for å følgja opp med pedagogiske og økonomiske rammer som gir høve til å gje eit tilbod som svarer til det einskilde barnet sine føresetnader.*

### **3.2. PÅVERKNAD**

*Lokallaget skal gjennom tilgjengelege kanalar drive aktiv påverknad slik at Utdanningsforbundet sine målsettingar vert synleggjort og ivaretekne.*

*Dette gjeld t.d. saksområde som:*

*- budsjettprosessar, profesjonsutvikling, metodefridom og metodeansvar, testing, dokumentasjon, satsingsområder*